



Page: 3

Reach: 0

Country: BOSNIA AND HERZEGOVINA

Size: 114 cm2

1 / 1

PREDMET KEKEROVIC

SIPA uhapsila dvojicu osumnjičenih

Postupajući po nalogu tužitelja iz Posebnog odjela za organizirani kriminal, gospodarski kriminal i korupciju, ovlašteni policijski djelatnici SIPA na području Banje Luke lišili su slobode dvije osumnjičene osobe, prenijela je Fena. Osobe koje su lišene slobode pod istragom su u predmetu Kekerović i dr., te su osumnjičene za organizirani kriminal, poreznu utaju i pranje novca. Radi se o predmetu u kojem se vodi istraga protiv više od 20 fizičkih i pravnih osoba, osumnjičenih za višemilionske porezne utaje, za koje je oštećen budžet BiH.

Nakon ispitivanja osumnjičenih, postupajući tužitelj je Sudu BiH uputio prijedlog za određivanje mjere pritvora za osumnjičenog T. G, rođenog 24. juna 1971. u Kruševcu, Srbija, nastanjenog u Banjoj Luci, državljanina Republike Srbije.

Mjera pritvora predložena je iz razloga opisanih u Zakonu o krivičnom postupku BiH, a pritvor od 30 dana, između ostalog, predložen je zbog postojanja opasnosti od bjekstva osumnjičenog, opasnosti da bi boravkom na slobodi mogao vršiti utjecaj na svjedoke ili saučelnike, te ometati istragu i prikrivati dokaze. Prema pri-



kupljenim dokazima, osumnjičeni je djelujući u okviru organizirane kriminalne skupine, ostvario nezakonitu imovinsku korist od oko 1,1 milion KM. Prijedlog za određivanje pritvora proslijeđen je Sudu BiH.

Tužiteljstvo BiH, zajedno s policijskim agencijama i agencijama za provođenje zakona u BiH, nastavlja istragu u ovom predmetu u pravcu podizanja optužnice.

Radi se o predmetu koji se odnosi na višemilionske porezne utaje, koje dosežu iznos od oko 10 miliona KM, za koje je oštećen budžet BiH i radi se o jednom od najopsežnijih predmeta iz oblasti finansijskog kriminala, koji se procesuiru u Posebnom odjelu za organizirani kriminal, gospodarski kriminal i korupciju Tužiteljstva BiH.